



Data: 17 da matg 2013

dv235_0513_anerkennung_fachstellen_logopädie_psychomotorik.docx / nr. 235

DISPOSIZIUN DAL DEPARTAMENT

Renconuschientscha da posts spezialisads per logopedia e psicomotorica

1. Situaziun da partenza

Il 1. d'avust 2013 entran en vigur la nova lescha davart las scolas popularas dal chantun Grischun (lescha da scola; DG 421.000) e l'ordinaziun tar la lescha da scola (ordinaziun da scola; DG 421.010). Tenor l'art. 48 al. 1 lit. c da l'ordinaziun da scola vegn tranter auter fatg in scleriment en il sectur simpel tras in post spezialisà reconuschì dal departament d'educaziun, cultura e protecziun da l'ambient, sch'igl è necessari da realisar mesiras pedagogic-terapeuticas.

2. Criteris da reconuschientscha

Per la reconuschientscha da posts spezialisads per logopedia e psicomotorica valan ils suandants criteris. Il singul post spezialisà:

- a) è en cas da surpigliar la responsabladad professiunala en il sectur spezial respectiv sin ina basa concepziunala existenta che vegn approvada dal departament;
- b) ha ina direcziun professiunala ed ina structura organisatorica reglada;
- c) garantisce il support professiunal e la furmaziun supplementara da sias personas spezialisadas en il sectur spezial respectiv;
- d) garantisce ch'i vegnian fatgs ils scleriments en il sectur spezial respectiv;
- e) garantisce ch'ils rapports da scleriment e las dumondas vegnian suttamessas ad in'examinaziun professiunala ed administrativa;

- f) procura ch'il princip da quatter egls vegnia observà tras duas differentas persunas spezialisadas ch'èn independentas ina da l'autra;
- g) procura che las disposiziuns davart la protecziun da datas vegnian observadas envers terzas persunas;
- h) procura per ina registraziun statistica dals cas en il sectur spezial respectiv;
- i) engascha persunas spezialisadas che han ina scolaziun terminada en il sectur spezial respectiv ubain che han in'admissiun;
- j) garantisce ch'i vegnian duvrads formulars da dumonda e da rapport tenor las directivas.

3. Observaziun da las disposiziuns davart la protecziun da datas envers terzas persunas

Las disposiziuns legalas davart la protecziun da datas ston vegnir observadas. En spezial èn quai ils suandants relaschs:

- lescha federala dals 19 da zercladur 1992 davart la protecziun da datas (LPD; CS 235.1)
- ordinaziun dals 14 da zercladur 1993 tar la lescha federala davart la protecziun da datas (OLPD; CS 235.11)
- lescha chantunala davart la protecziun da datas dals 10 da zercladur 2001 (LCPD; DG 171.100)
- lescha davart las scolas popularas dal chantun Grischun dals 26 da november 2000 (lescha da scola; DG 421.000)
- cudesch penal svizzer dals 21 da december 1937 (CP; CS 311.0)
- cudesch civil svizzer dals 10 da december 1907 (CCS; CS 210)
- lescha federala dals 9 d'october 1992 davart la statistica federala (lescha da statistica, LStat; CS 431.01)

Questas disposiziuns davart la protecziun da datas ston vegnir applitgadas uschia, che la collavuraziun tranter las persunas d'instrucziun e las persunas spezialisadas pertutgadas ed ils posts spezialisads involvids vegn disturbada uschè pauc sco pussaivel.

4. Registraziun statistica

Il dumber da scolaras e da scolaras da la scolina regulara e da la scola regulara cun las mesiras "logopedia" resp. "terapia da psicomotorica" sto vegnir registrà statisticamain per mintga instituziun responsabla per la scola. Questas datas ston vegnir messas a disposiziun il di da referenza al departament resp. a l'uffizi per la scola populara ed il sport en furma anonimizada, sche quels dumondan quai.

5. Formulars da rapport

Ils formulars da rapport dals posts spezialisads ston da princip s'orientar tenor il "Formular da rapport per mesiras pedagogic-terapeuticas da la scolaziun speziala" da l'uffizi per la scola populara ed il sport. En spezial ston esser avant maun champs per pudair endatar ils suandants cuntegns: svilup en scola, finamiras da promoziun cuntanschidas, stadi (basegn da promoziun actual), planisaziun da promoziun / finamiras.


Suenter avair prendì invista dals documents

dispona il departament d'educaziun, cultura e protecziun da l'ambient:

1. Per reconuscher tals posts spezialisads vegnan applitgads ils criteris da reconuschientscha ch'èn fixads en las consideraziuns.
2. La procedura da scleriment e da dumonda en ils secturs "logopedia" e "psicomotorica" ha lieu tenor il princip da quatter egls, consultond in post spezialisà reconuschì dal departament.
3. Sch'ils criteris da reconuschientscha na vegnan betg observads, po il departament retrair la reconuschientscha sco post spezialisà.
4. Communicaziun ad: autoritads e direcziuns da las scolas popularas en il chantun Grischun; associaziun dals cussegls da scola dal Grischun, dunna Gabriela Aschwanden, presidenta, Via Calanda 23, 7013 Domat; uniun Magistraglia Grischun, signur Fabio Cantoni, president, Erikaweg 6, 7000 Cuir; uniun da mainascolas

dal Grischun, signur Eugen Huber, president, Mülistrasse 12, 7076 Parpan; fundaziun Servetsch da pedagogia curativa, dunna lic. iur. Irmgard Camenisch, presidenta, Quaderstrasse 5, 7000 Cuira; servetsch da pedagogia curativa dal Grischun, dunna Angela Hepting, directura, Aquasanastrasse 12, 7000 Cuira; federaziun professiunala da logopedas e logopeds grischuns, dunna Annina Maissen, presidenta, Alexanderstrasse 25, 7000 Cuira; uffizi per la scola populara ed il sport; departament d'educaziun, cultura e protecziun da l'ambient.

DEPARTAMENT D'EDUCAZIUN,
CULTURA E PROTECZIUN DA
L'AMBIENT DAL GRISCHUN



Martin Jäger, cusseglier guvernativ